

تورلۇق يۈزدى

تۈرك اومياقلارنىڭ ئاسرافكارى ئابلىمىمۇمىن

جلد : ۱ — ۲۱

مارت ۱۹۲۸
اۋنىدىنچى سنە

صافى : ۳ — ۱۹۷

بر چوغمن اونی حاً بیلیوردی . آنادولویوللارنده
کیجه ییلدیزه باقارلر کی ، اونک اسمنه باقارقی
یورومشده . اعضانک عددندن بر اکسیک رأی
ایله رئیس انتخابایدیلدی . هیمز کوزلرمنی اونک
اوستنه دیکمش ، کرسیه چیقمانی بکله دک .
سس سزک صوک درجهیی بولمیشدی . بوسس سزک ،
ایچنه دوشن شیرلی ایریلتن ، دورغون و براق
بر صوکی ایدی . بوسس سزک کرسیه چیقانی ،
باشقارلندن آیران ، بویوتن بر قوت و معتاده
ایدی . یاواش آدیملرله ، بره آنجاق دوقونوبورمش
کی ، باصامقلری برر برر چیقدی . بو چیقیش
اونی درت طرفی اوچوروملرله آیریش ، باش
دوندوریچی بر نقطهیه دوغرو کوتوریوردی .
بو چیقیش اونی ، اطرافنده قورشونلرک ایصلیق
چالیدنی ، آتش وقاصیرغاوغرائی بر بره کوتوروب
دیکه جکدی . بو چیقیش ، قات قات شفقلمه دالارق ،
بلکه ایدی بر حیاته دوغرو بر یوکه لیشدی .
مملکتک اوزاق ، یاقین بوتون یوللارنده ، اونک
دعوتنه قوشوب کلنلر ، قارشیمزده قدرتلرینی
داها بوس بوتون افشا ایتمش بو کنج آدامه ،
بر سره ، بر معمایه و کوزله بر امیده باقارکی
باقیوردی . . ایچنده کی دوشونجهلری سوله مین ،
دائما اونلری آرقاده و اوزاقده ملوتان اییی دورغون
ماوی کوزله اوده بزه باقدی . کوک درینلکی کی
بوم بوش باقان بو ایکی کوز ، کوک درینلکی کی
خفا ایله دولوایدی . صوک بویوک محاربه نك دومانلری ،
آتشلری ایچندن ، او بر مملکت ظفریله ده کل ،
فقط محقق که ، شخصی بر ظفرله چیقمشدی . ملت
کرسیسناک اوستنده ، آفاقده دورورکن ، او ، کندی
ظفرینک ایچنده گورونوبوردی . هر نه سی وارسه
انقاض حاله کچمش بر مملکتده ، بلکه او ، تاریخک
بزه بحث ایندیکی ، ایچندن ندا دویان ، روحه سر
قارشیمش نادر آداملردن بری ایدی .
بو دقیقه دن اعتباراً او گزده یورویه جک اولان
بوکنج آدام ، آزاله ، فقر ایله ، مظلوملق و مغلوبته
اتفاق ایتمشدی . بو دقیقه دن اعتباراً ، هر طرفدن

استردادای متعاقب بویوک غازیته
بروسه یی زیارلری مناسبتیله انتشارایدن
برجموعه ده چیقوب اوزمانلر غزته لزه نقل
اولان وقرات کتابلرینه کچن ، حدالله
صبحی بکک قیمتدار بر لقری ، انتشاری
۲۳ نیسانه تصادی ایدن اوچنچی نسخه مده
نقل ایدیوروز .
ایک ۲۳ نیسان تصویرایدن بونفیس
یازی تورک انقلابک ناصل دوشدنی ، تورک
انقلابی وجوده کتیردن بویوک السانک
اوزمانکی یوکسک و تاریخی سییاسی رسم
ایتمه سی دولایسیله هر زمان لذت و هیجانله
اوقوناییلیر بر لقر پارچه سیدر .

مجلسک آچیلدنی ایلک کونی تکرار خاطر لیورم .
آنقره دورغون بر یا یلا کونشی ایچنده ایدی . صولفون
اییکلرینه بیرانمش سطرلرله دعا لر یازیل اسکی سانجاقلر
آلتنده ، تهلیلر ، تکبیرلر کتیره رک مجلس بناسنه
دوغرو بر قالاباق کلییوردی . حاجی بایرام ولیدن
چیقان بوقالاباق اختیار شیرلری ، فقیر حاجیلری ،
خوجالریله دیری ویکی بر فکرک استقبانه می کیدیوردی ،
یوقسه اولو بر فکری کومک ایچین مانعی بر تشیعه می
چیقمشدی ؟ عربجه بر دعا ، آخرت واولوم
دوشونجه سنی ، مجلسک آچیلمانسه تخصیص ایدیلن
بو مراسمه ، روحه کیزلی قالایاق بر نسبتده
قارشیدیرمیشدی . بلکه بو بر باشلانمیشدی ، بلکه
چوق اسکیدن بری باشلامش برشی ، طالع سزبر
صوک دهنه ییشه رغماً بوسبوتون سونه جکدی .
مجلسده اک اختیارمن کرسیه چیقدی . ایلک
انتخابی ادازه ایتدی . آراسنده ، یکیدن استیلایه
اوغرایان مملکتلرله آنادولونک هر گوشه سندن کلش
مبعوثلر واردی . مکتب صیرالری اوستنده
اوطورییوردی . بابانچی وایی کورن بر کوز بزه
دقت ایتسه ایدی ، بری برینه صوقولمش ، بری برینه
صیغینمش آداملر کی اوطوردیفمنی فرق ایده ردی . مجلس
بناسنک دیشنده بر نفس امنیت هواسی آلتی ممکن
ده کیلیدی . اوراده بوغولمندن قاجارق بر قایا اوزرینه
طیرمانمش قفازده لر کی ایدک .
رئیس کیم اوله جقدی ؟
پک آزعز اونی شخصاً طانییارق انتخاب ایتدی .

کنن تہدیلرک ، تہلکہلرک چورہ سندہ قانیابوب
چالغاندینی بوکری اوستندہ ، اونک روحی بورالہ
قارشی قانادلرینی بیاض شیمشکرکی آجان برده کز
قوشی کبی دوراجقدی .

اینجہ پارماقلریلہ ، اوکون ایچین حاضرلادینی
نطقک صحیفہ لرینی آچغہ باشلادی . عسکردن زیادہ
بر قادینی و بر صنعتکاری دوشوندورہن بو اینجہ
پارماقلرک چوریدیکی صحیفہ لر بربرینی تعقیب ایتدی .
ذہن ، نطق قادار آلریلہدہ مشغولدی . بو آلر ؛
وجودہ کتیرہ جکی اثرلہ دومان و آتش ایچندہ ،
بوتون مملکتک صوکل فریادینی اویاندیرارق صوغوبوب
دوکا بیلیردی . بو اینجہ و صنعتکار آلر ، بوتون
بر ملتک روحنی عمومی بر اوغولتو ایچندہ وجد
وشکرانلہ تیرہ یہرک جوشدورابیلیردی .

ایشتہ ۲۳ یسان ۳۳۶ سنہ سی ، آنادولودہ
چیلاق بر یایلا اورتاسندہ ، خراب بر قصبہ نک
دیوارلری ایچندہ یز . اونک جدال واستقبال دوشو .
نجہ لرینی ایلک دفعہ دیکلیورز . تاریخمک او مستثنا
کونندہ ، قارا کلقلری بردن برہ پارلانیان بریلدیرمک
صاری ایشینی ، صانکہ اونک یوزینی آیدینلاشمادی .
یاصصی بر قالیاق آلتندہ اوزون و صاریشین بر یوز ،
اوکون تاریخک خاطرہ سنہ مؤبدآ عکس ایدوب
قالدی .

آرادن آیلر وسنہ لر کچدی . عنعنہ ، سرای ،
دین ، آت اوستندہ اختلالر ، آنقرہ یی اوزاق
یاقین ، آتش چنبرلریلہ قوشاتوب دوریوردی . یابانچی
اوردولرک آتش وقان دالغالری دہ کزلرک مدوجذری
کبی ، قاچ دفعہ اورتا یایلا یہ قادار صوقولوب کریلہدی .
قیریلان ، دہ وریلہن ، دہ کیمشہن شیئرلر اورتاسندہ ،

اودہ کیمشہ یین بر شیئدی . سویلہ دکارینی تکرار
تکرار سویلہ یوردی . او ، کوزی آچیق رؤیا
کورہن بر آدامدی . .

برکون اونی بروسہ بلدیہ دائرہ سندہ تبریکلری
قبول ایدرکن کوردم . بویوک سالون برده کز هواسی ایچندہ
ایدی . پنجرہ لرده بر فیرطینا سسی اوغولدا یوب
دوریوردی ، کندمزی بر کمی ایچندہ سالالانیور
حس ایتدک . دیشاریدہ چیرپینان ، چالقانان ،
اوغولدا یان کنیش بر کورولتو دوام ایدیور ،
قبول سالونک سس سزلکی ایچنہ کلوب دوکولو .
یوردی . بو دیشاریدہ کی اوغولتو ، روزکارلرک
دہ کل ، خلجانلہ چاریان بیکلر جہ قلبک ، ہر یاشدہ
صاییسز انسان کوکسک سسندن ، اوغولتوسندن
عباردی .

کچدیکی یوللارده ، اینجہ جک آلرینہ قہر کورمش
کویولرک ناصیرلی آلری صاریلدی ؛ نینہ لرک دعایلہ
تیرہ یین دوداقلری دوقوندی . اونک اک کوزہل ،
اک الہی اثری یاپان آلرینہ ، اوکوز چوجوقلرک
کوز یاشلری دوکولدی .

او شمدی ، اسمی ہر ملتک دیلندہ آکیلان ،
داہا یاشارکن تاریخ اولمش ، خیالک افقلرندہ وقات
قات شفقلر ایچندہ یوزہن افسانوی بر قہرماندی .
او ، شمدی بر صحنہ نک اوکندہ وطنک ہر
بوجاغندن کان نہایتسز منت و شکران اوغولتوسنی
ایشیدیوردی . بن اونی ، بروسہ نک اونوتولما یاجق
بر کونندہ صاییسز دوشمانلری و آمان ویرمض بر
طالی یکدکن صوکرا ، وطنی قورتارمش ، ملتک
کندینہ شکرانلہ اوزاتدینی آلی طومش ، آرقاسندن
جوشقون دہ کزلرک کبی کلن بر خلق اوغولتوسی
ایچندہ تاریخ یوللرندہ اوزاقلاشیرکن کوردم .

